

欽定春秋左傳讀本

卷一
之二



臣英和臣黃鉞前奉

諭旨以春秋左傳一書義疏繁重杜林注坊行本離析

章句均不便於初學

命臣等率同編修臣程恩澤臣祁寯藻重加纂輯務令

條簡明賅洽一覽瞭然臣等恪承

指示敬謹編摩傳各為篇首尾完具注附其後以便讀

餘覽者音訓句讀間有異同酌歸一是其寫本均經編

次修臣許乃普臣田嵩年悉心校勘由

道光二年
武英殿刊刻

武英殿刊刻進呈

御覽伏候

欽定謹

奏道光三年九月十五日奉

旨知道了欽此

章句均不便於初學

諭旨以春秋左傳一書義疏繁重杜林注坊行本離析

英和黃鉞前奉

欽定春秋左傳讀本凡例

一春秋經旨闕深左氏傳原始要終使讀者
自得其意也昭二年傳云韓起見魯春秋
曰吾乃今知周公之德是魯春秋本周之
舊典著于策書孔子承述之傳惟疏證其
事聖人微旨具在其中哀十四年句釋以
下賈逵云此下弟子所記明弟子未得策
書左傳亦不爲續經解說今正經以左氏
爲傳故不復爲經作注惟解釋傳義以爲

道光二年
武英殿刊刻

左傳讀本

凡例

讀本

一古人經傳各自爲書惟左氏春秋經傳自
古相附十八卷襄二十六年經前之傳杜
預注云當繼前年之末而特跳此者傳寫
失之是杜預以前之本襄公二十六年別
爲卷首又傳在經前也其序言分經傳相
附隨而解之蓋自以注附之其分經傳正
文相附必不始于預也據襄二十六年所
注知卷目已古今依用之爲讀本三十卷

一經文公羊穀梁二本異者多屬方言左氏則策書正文故不旁引至杜預以傳推得經中闕文則爲采取附入傳注中以備經義

本鄭子而兩藏于錄也宣十之羊穀梁一傳文轉寫增損改易者僖十五年傳自曰上天至裁之四十二字唐定本無之而唐俗本沿而不革今岳本亦有之非也襄二十七年傳與宋致死四字注疏本有而岳本無之岳本是也今用岳本爲之旁引入音釋中此皆是非易明故不爲繁論但存異文俾小學知古文有異同當致慎且以知古來學術盛衰卽文字多少之數可以見其時儒風所嚮襄二十八年岳本有亂一十人昭二十四年十人上乃增臣字則是岳本慎于前而疏于後也宣十二年傳楚人憇之說文引黃顛本正作卑之成十八年傳正月辛巳服虔本作辛未此則晉本已誤亦引入音釋中庶爲愛素好古者導

夫先路焉

一史書千支文易錯誤杜預推二百四十餘年朔望閏月用意最密經傳誤字均可指正後人譏杜氏改經就傳不得爲左氏功臣其言非也凡杜氏所推誤字有關事迹者均爲錄出襄九年傳閏月戊寅定以閏月爲門五日屬上句戊寅爲濟師日屬下句詳音釋中古人均以實事求是非改經一傳也

道光二十一年
武英殿刊刻

左傳讀本

凡例

三

一字音今古不同自有四聲後而音讀紛然矣此本音讀皆以經典釋文爲本間有反切不合今讀者則以音韻闡微正之

一左傳之說以劉歆賈逵許慎爲古漢時鄭衆許淑服虔董遇穎容晉時杜預皆能名家自杜注單行舊說猶可搜輯國語史記異同亦足以引證杜說獨精者則標預名顯與儒先異同或從或否亦標其名其尋常解詁則平敘之芟其繁說增附舊聞傳

引易書詩禮自是周人師說與漢以後傳義不能強合今惟就其文申引之大歸平易近人爲宗不敢迂苛亦不詭隨俗議要于經傳可通人事有益注解異于經論故不辨公穀異義其何休膏肓則指攻左傳今用鄭氏箴義通于注中不盡標何鄭名目以弭爭訟史通亦膏肓之流今傳文旣通則不必更爲旁辨王肅有心立異不復廣加采錄劉炫孔穎達陸德明則錄其所長至于趙匡啖助勃谿纖佻多不足辨其後帖括經義比次成書均不復引駁以省簡牘

一史學以地里爲重可以見賢愚成敗得失之迹杜預初據晉泰始官司空圖及江表平荆揚徐三州改用新貢圖籍以求審也其一地二名二地一名辨之最詳近人高士奇顧棟高江永各有成書而越國鄙遠之說見于左傳正文後儒多忽之魯地在

今許州鄭地在今泰安晉地在今范縣皆鄙遠之證惟晉大國秦不能越之故鄭以爲難明他國則不然也凡此之類皆實以今地隨條疏之其有古今異名若豫章則左傳漢書南北各別此亦杜說精審非後人所及特發例于此以杜羣惑至于師行曲折容有別道出奇而傳記大略其軌躅所循難以尺寸指實昭五年楚伐吳之役羅汭萊山東西迂折則地志之說難以取

道光二年
武英殿刊刻

左傳讀本

凡例

五

證杜預不言所在蓋大略可知不宜隨取

一地實之反致窒塞也

一天文五行占家不同而左氏自有占法今就其義敷暢之不復更引他家至日食可以檢朔其說始於東漢春秋時尚不知日食可由算得也二百四十餘年所載僅三十六則其時必有疏失左氏又多無傳至襄二十一年九月十月二十四年七月八月皆比月日食相距僅二十九日有奇于

日行食限不合而漢時高祖三年文帝前
三年皆有之定由其時史官證記後人不
可以臆更正此當因而存之以見舊式其
他有占驗者隨條說之使大旨可通亦以
見其時人事得失因以垂戒

道光二十一年
武英殿刊刻

左傳讀本

凡例

六

原其制人事皆失因以垂戒
於古制者當因循而存之以見舊式其
可以臆更正此當因而存之以見舊式其
三羊皆育之宜由其制史官證記後人不
日行食限不合而漢時高祖三年文帝前

欽定春秋左傳讀本卷一

隱公

名息姑。惠公之子。母聲。子諡法。不尸其位曰隱。



傳惠公元妃孟子。孟子卒。繼室以聲子。生隱公。宋武公生仲子。仲子生而有文在其手。曰為魯夫人。故仲子歸于我。生桓公而惠公薨。是以隱公立而奉之。

魯周公國。今曲阜。惠公。孝公子。宋。今商邱。子。宋姓。孟長也。聲諡也。諸侯娶元妃。其勝

姪娣。八人。元妃卒。則長姪娣繼室。仲子手

文曰。為魯夫人。魯古作表。文或似之。隱公

立桓為惠公太子。而已攝位以奉之。傳於

元年之前。預發此語。是謂先經以始事也。

道光二年 左傳讀本卷一 隱公 二

經元年春王正月 三月公及邾儀父南盟

于蔑 夏五月鄭伯克段于鄆 秋七月

天王使宰咺來歸惠公仲子之賵 九月及宋人盟于宿 冬十有二月祭蔡伯

來魯公子益師卒 傳元年春王周正月不書即位攝也

經言王正月。傳言王周正月者。子。周王正。丑。殷王正。寅。夏王正。傳謂此王正。周之王

正也。申言攝者。公不行即位禮。 三月公及邾儀父盟于蔑。邾子克也。未王命。

故不書爵。曰儀父。貴之也。公攝位而欲求好

於邾。故為蔑之盟。公曰。姜氏不義。故自盟。

邾。附庸國。今鄒縣。蔑。在今泗水。爵稱子。君名克。字儀父。

夏四月。費伯帥師城郎。不書。非公命也。

費。郎。二邑。皆在今魚臺。與季氏費別。非君命。故舊史冊不載。左氏多旁采簡牘之文。

自附於傳。魯不載。參。圖文。一。中。主。之。一。小。氏。

初。鄭武公娶于申。曰武姜。生莊公。及共。音恭下同

叔段。莊公寤生。驚姜氏。故名曰寤生。遂惡之。音去聲

之。愛共叔段。欲立之。亟請於武公。公弗許。

道。光。二。年。武。英。殿。刊。刻。左。傳。讀。本。卷。一。隱。公。二。

及莊公即位。為之請制。公曰。制。巖邑也。虢

叔死焉。他邑唯命。請京。使居之。謂之京城大

叔。祭仲曰。都城過百雉。國之害也。先王

之制。大都不過參國之一。中五之一。小九

之一。今京不度。非制也。君將不堪。公曰。姜氏

欲之。焉辟之。對曰。姜氏何厭之有。不

如早為之所。無使滋蔓。蔓難圖也。蔓草猶不

可除。況君之寵弟乎。公曰。多行不義。必自斃。

子姑待之。既而大叔命西鄙北鄙貳於己。公

子呂曰。國不堪貳。君將若之。何。欲與犬叔臣
請事之。若弗與。則請除之。無生民心。公曰。無
庸。將自及。犬叔又收貳以爲己邑。至于廩延。
子封曰。可矣。厚將得衆。公曰。不義不暱。厚將
崩。犬叔完聚。繕甲兵。具卒乘。去聲將襲鄭。夫人
將啓之。公聞其期。曰。可矣。命子封帥車二百
乘以伐京。京叛。犬叔段入于鄆。音煙公伐諸
鄆。五月辛丑。犬叔出奔共。書曰。鄭伯克段于
鄆。段不弟。音悌故不言弟。如字如二君。故曰克。稱
鄭伯。譏失教也。謂之鄭志。不言出奔。難之也。
遂寘姜氏于城潁。而誓之。曰。不及黃泉。無相
見也。旣而悔之。潁考叔爲潁谷封人。聞之。有
獻於公。公賜之食。食舍上聲肉。公問之。對曰。小
人有母。皆嘗小人之食矣。未嘗君之羹。請以
遺去聲之。公曰。爾有母遺。繫音伊我獨無。潁考叔
曰。敢問何謂也。公語去聲之。故且告之。悔。對曰。
君何患焉。若闕地及泉。隧而相見。其誰曰不
然。公從之。公入而賦。大隧之中。其樂也。融融。

道光二年
武英殿刊刻

左傳讀本卷一

隱公

三

姜出而賦大隧之外其樂也泄泄音異遂為母

子如初君子曰穎考叔純孝也愛其母施音異

及莊公詩曰孝子不匱永錫爾類其是之謂

乎音異

鄭都今新鄭申在今南陽姜姓國制即虎

牢在今汜水西本東魏魏叔地鄭滅魏叔

取之京城在今滎陽縣南廩延今延津

地鄆今鄆陵縣地共今輝縣地穎在今臨

穎縣寤生者史云生之難一曰寐三分之

寤而始知其生故驚大都當國城三分之

一中都五分之一小都九分之一今都城

過百雉雉飛橫三丈叔段之城過三百丈

而鄭伯爵城方五里面當九百丈京過三

分之一故曰不度命西鄙北鄙貳於已謂

武英殿刊刻

左傳讀本卷一 隱公 四

使邊鄙公邑亦屬於已若兩有所屬者然

以為已邑則取之不屬公矣不義不暱者

不義於君不暱於兄祭他公子呂皆鄭大

夫子封即公子呂書曰克者段據大都勢

如二君斥言鄭伯克之不稱國討者譏鄭

伯不制之於早是志在殺之故難言其出

奔穎考叔鄭之典封疆者食舍肉君賜小

臣食無體薦有肉羹考叔不啜羹欲以發

問公曰繫者語助贅考叔教公闕地及泉

而為隧道融融和樂泄泄舒散是考叔之

孝所錫及引詩錫類言孝能感通其類

凡傳引君子曰其時評論得失之言

秋七月天王使宰咺來歸惠公仲子之賵

切芳鳳 緩且子氏未薨故名天子七月而葬同

軌畢至諸侯五月同盟至大夫三月同位至

士踰月外姻至贈死不及尸弔生不及哀豫凶事非禮也

宰官西名。謂助葬之物。緩贈惠公。生贈仲子。皆非也。天子七月。則同軌之國皆能至。諸侯五月。大夫三月。士踰月。皆量致弔者。遠近為差。大夫三月。蓋以三十日為一月。士踰月。蓋度一月。亦首尾兼三月。故禮言士三月葬。與此通也。不及尸。謂已葬。不及哀。謂不及弔唁之期。仲子未薨。不可豫贈。

八月紀人伐夷夷不告故不書有蜚費不為災亦不書

紀。今壽光地。夷國。今即墨地。蜚。負盤也。郭璞云。臭蟲。本草云。蜚。厲蟲。而宋如道。光二年。左傳讀本卷一。隱公。五。

惠公之季年敗切必邁宋師于黃公立而求成

馬九月及宋人盟于宿始通也

敗。敗之也。黃。今考城地。宿。在今東平州。

冬十月庚申改葬惠公公弗臨故不書惠公

之薨也有宋師犬子少葬故有闕是以改葬

衛侯來會葬不見公亦不書

惠公薨時宋師蓋報黃之役故求成而後改葬公不臨衛侯不見公以公讓不為喪主。

鄭共叔之亂公孫滑出奔衛衛人為去聲之伐

鄭取廩延。鄭人以王師。虢師伐衛南鄙。請師於邾。邾子使私於公子豫。豫請往。公弗許。遂行。及邾人。鄭人盟于翼。不書。非公命也。

虢為西虢。今陝州。與鄭制東虢別。翼今鄒縣地。公孫滑叔段子。

新作南門。不書。亦非公命也。

十二月。祭蔡。伯來。非王命也。莒盟于密。

祭。周畿內國。伯爵。來非王命。見公故書。

衆終。父卒。公不與。小斂。故不書日。公文

終。音甫。卒。公不與。去聲。小斂。故不書日。公文。衆父。公子益師字。君錄其喪。故卒之。當小斂時。君不視。故不詳其日。

道光二年。左傳讀本卷一。隱公。六。

經二年春公會戎于潛。夏五月莒人入向。

無駭。帥師入極。

秋八月庚辰公及

戎盟于唐。九月紀裂繻來逆女。冬十

月伯姬歸于紀。紀子帛莒子盟于密。

十有二月乙卯夫人子氏薨。鄭人伐衛。

傳二年春公會戎于潛。脩惠公之好也。戎

請盟。公辭。

戎人居中土者。其會禮蓋順其俗為之。公辭盟。至秋始為唐之盟。潛魯地。

莒子娶于向。向姜不安。莒而歸。夏莒人入向。

以姜氏還

莒今莒州。紀姓國。亦曰已氏。向在今莒州南七十里。姜姓國。傳言失婚姻之義。

司空無駭入極。費卒。音琴。音父。音甫。音勝。

極在今魚臺西。附庸國。魯三卿。司徒。司馬。司空。無駭未賜族。序父。城郎之費伯也。費

郎皆今魚臺。傳言入極乃序父之攻。

戎請盟。秋盟于唐。復脩戎好。去聲。

唐一名棠。在今魚臺東北。傳止言秋。經言八月庚辰。杜預云。八月無庚辰。庚辰七月

九日也。經傳于支。多轉寫致誤。

九月。紀裂繻來逆女。卿爲君逆也。去聲。

道光二年。武英殿刊刻。

全傳讀本卷一

隱公

七一

十月。伯姬歸于紀。其待年之勝。曰紀叔姬。以七年三月歸于紀。俱見經。

冬。紀子帛莒子盟于密。魯故也。

密今昌邑縣地。子帛。裂繻字也。莒魯有怨。紀魯姻。盟莒和解之。故此之內大夫。書莒

上子。

鄭人伐衛。討公孫滑之亂也。

治元年取廩延之亂。

經三年春王二月己巳日有食之。無傳。三月

庚戌天王崩。夏四月辛卯君氏卒。秋武

氏子來求賻。音附。八月庚辰宋公和卒。冬

十有二月齊侯鄭伯盟于石門。癸未葬宋

穆公。

傳無

傳三年春。王三月壬戌。平王崩。赴以庚戌。故

書之。未聞與交。燕去聲。千曰。計本由中。贊無

知。赴先十二日。欲諸侯速至。經書其僞以懲其過。

夏。君氏卒。聲子也不赴于諸侯。不反哭于寢。

不祔于姑。故不曰薨。不稱夫人。故不言葬。不

書姓。為去聲。公故曰君氏。

赴則受弔。反哭。虞祭。始成葬禮。祔于姑。始成祭禮。公不敢正君禮。故不敢備禮于其

道光二年 武英殿刊刻

左傳讀本卷一

隱公

八

鄭武公。莊公為平王卿士。王貳于虢。鄭伯怨

王。王曰。無之。故周鄭交質。去聲。王子狐為質于

鄭。鄭公子忽為質于周。王崩。周人將畀虢公

政。四月。鄭祭音蔡。足帥師取溫之麥。秋又取成

周之禾。周鄭交惡。去聲。君子曰。信不由中。質無

益也。明恕而行。要平聲之以禮。雖無有質。誰能

間音諫之。苟有明信。澗谿沼沚之毛。蘋蘩蕒音温。

藻之菜。筐筥錡音豈。釜之器。潢汙行潦之水。可

薦於鬼神。可羞通於王公。而況君子結二國

之信。行之以禮。又焉音用質。風有采蘩采蘋。

雅有行葦。泂酌昭忠信也。

曰溫。今懷慶溫縣。成周。今洛陽。鄭世為王。卿士。平王欲兼任。西虢公。鄭伯怨王。王釋鄭

之怨。故交為質。王崩。周將成。平王本意。鄭

遂取周麥禾。周四月建卯。麥未熟。秋當今

之夏。禾亦未熟。蓋芟踐之。山夾水曰澗。水

注川曰谿。沼池也。泂。小渚也。毛謂草。蘋。大

菹。季春始生。可糝蒸為茹。蘩。離蒿。秋可食。

蘩。藻。聚藻。生水底。莖如釵股。葉如蓬。竹器

方曰筐。圓曰筥。釜有足曰鑄。無足曰釜。潢

汙。滍水。行潦。流潦。采蘩采蘋。義取薄物。行

葦。取忠厚。泂酌。取挹行潦。此傳鄭不尊王。

其罪易見。君子之言。但泛論專尚盟質。無

益。

道光。一。年。武英殿刊刻。左傳讀本卷一。隱公。九。

武氏子來求賻。王未葬也。

武氏子。王卿之嗣。魯不供喪。致來求賻。交

失之。十二月葬。宋穆公。魯會葬。故書。魯亦

不。會。王。葬。非。禮。

宋穆公疾。召大司馬孔父音甫而屬音燭殤公焉。

曰。先君舍音上聲與夷而立寡人。寡人弗敢忘。若

以大夫之靈。得保首領。以沒先君。若問與夷。

其將何辭。以對。請子奉之。以主社稷。寡人雖

死。亦無悔焉。對曰。羣臣願奉馮音憑也。公曰。不

可先君以寡人爲賢使主社稷若弃德不讓是廢先君之舉也豈曰能賢光昭先君之令德可不務乎吾子其無廢先君之功使公子馮出居於鄭八月庚辰宋穆公卒殤公即位君子曰宋宣公可謂知人矣立穆公其子饗之命以義夫音扶商頌曰殷受命咸宜百祿是荷平上其是之謂乎

宋穆公宋公和宣公弟也殤公與夷宣公子也馮穆公之子莊公宋宣公舍子立弟此是殷禮宋殷後故稱商頌

道光二年
武英殿刊刻

左傳讀本卷一

隱公

十一

冬齊鄭盟于石門尋盧之盟也庚戌鄭伯之

車僨

弗問切

于濟

石門盧皆今長清地石門濟水之門盧盟在春秋前僨什也

衛莊公娶于齊東宮得臣之妹曰莊姜美而無子衛人所爲去聲賦碩人也又娶于陳曰厲

嬀

九危切

生孝伯早死其娣戴嬀生桓公莊姜

以爲己子公子州吁嬖人之子也有寵而好

去聲

兵公弗禁莊姜惡去聲之石碣

七畧切

諫曰臣

聞愛子教之以義方弗納於邪驕奢淫泆

音逸

所自邪也。四者之來，寵祿過也。將立州吁，乃定之矣。若猶未也，階之爲禍。夫寵而不驕，驕而能降，降而不憾，憾而能矜，矜者，鮮矣。且夫賤妨貴，少陵長，遠間諫，親新間舊，小加大，淫破義，所謂六逆也。君義臣行，父慈子孝，兄愛弟敬，所謂六順也。去順效逆，所以速禍也。君人者，將禍是務去而速之，無乃不可乎。弗聽。其子厚與州吁游，禁之不可。桓公立，乃老。

道光二十一年
武英殿刊刻

左傳讀本卷一

隱公

十一

齊今臨淄。姜姓國。陳今陳州。媯姓國。莊姜言東宮妹者，謂與大子同母。齊元妃女也。無子者，不見答。又娶於陳者，諸侯備三宮。夫人世婦也。莊姜仍自爲衛元妃。石碯衛大夫言驕奢淫泆，人所由邪。欲立州吁，亦宜以義方定之，不可使階緣爲禍。循之致憾，則不能自安。自重，矜者，安也。重也。

經四年春王二月莒人伐杞取牟婁無傳戊

申衛州吁弑其君完殺夏公及宋公遇于清

宋公陳侯蔡人衛人伐鄭音秋翬音帥師

會宋公陳侯蔡人衛人伐鄭夫九月衛人殺

州吁于濮音冬十有二月衛人立晉

傳四年春衛州吁弑桓公而立公與宋公爲會將尋宿之盟未及期衛人來告亂

夏公及宋公遇于清

清衛邑在今東阿與齊邑在長清者別宿盟在元年遇者簡于會禮蓋憂鄰國之亂

宋殤公之即位也公子馮出奔鄭鄭人欲納之及衛州吁立將脩先君之怨於鄭而求寵於諸侯以和其民使告於宋曰君若伐鄭以除君害君爲主敝邑以賦與陳蔡從則衛國之願也宋人許之於是陳蔡方睦於衛故宋公陳侯蔡人衛人伐鄭圍其東門五日而還公問於衆仲曰衛州吁其成乎對曰臣聞以德和民不聞以亂以亂猶治絲而棼之也夫州吁阻兵而安忍阻兵無衆安忍無親衆叛親離難以濟矣夫兵猶火也弗戢將自焚也夫州吁弑其君而虐用其民於是乎不務令德而欲以亂成必不免矣

道光二十一年
武英殿刊刻

左傳讀本卷一

隱公

三

宋陳蔡衛同伐鄭宋畏鄭納馮衛則以助公孫滑亂二年鄭來伐因怨鄭陳蔡助衛蔡今上蔡新蔡也時列國篡立者諸侯與之會則無復計之者故州吁求此寵以脅

和其民。衆仲魯大夫。言恃兵則民殘。民殘則衆叛。安忍則刑過。刑過則親離。

秋諸侯復伐鄭。宋公使來乞師。公辭之。羽父

音甫請以師會之。公弗許。固請而行。故書曰。翬

帥師。疾之也。諸侯之師。敗鄭徒兵。取其禾而

還。妹。其。于。鄭。不。車。戰。故。曰。徒。兵。時。在。九。月。

翬。字。羽。父。鄭。不。車。戰。故。曰。徒。兵。時。在。九。月。殺。州。吁。前。則。七。八。月。事。當。今。五。六。月。亦。芟。

矣。踐其禾爾。

州吁未能和其民。厚問定君於石子。石子曰。

王覲為可。曰。何以得覲。曰。陳桓公方有寵於

王。陳衛方睦。若朝陳使請。必可得也。厚從州

吁如陳。石碣使告于陳。曰。衛國褊小。老夫耄

矣。無能為也。此二人者。實弑寡君。敢即圖之。

陳人執之。而請泄于衛。九月。衛人使右宰醜

泄殺州吁于濮。石碣使其宰孺音耨羊肩泄殺

石厚于陳。君子曰。石碣純臣也。惡去聲州吁而

厚與音豫焉。大義滅親。其是之謂乎。姑書曰。釐

刑。諸侯之寵。未能定位。故言王覲為可。謂王

許其覲。則免討而民志和定。厚懼王討。故

曰。何以得覲。碣教之如陳。使請王也。陳侯曰。桓公。傳以後得謚。號追書之。泄。臨也。濮。

道光二十一年

左傳讀本卷二

隱公

三

陳地水名。在今陳州城北。大義當斷。明小義則可兼子愛之。

衛人逆公子晉于邢。冬十二月宣公即位。書

曰。衛人立晉。衆也。

邢國。今邢臺。衛人逆之。不言入。善其得衆。

經五年春公矢魚于棠。夏四月葬衛桓公。

傳秋衛師入郕。

音成。

九月考仲子之宮。初獻

六羽。邾人鄭人伐宋。

音真。

冬十有

二月辛巳公子彊卒。

音侯。

宋人伐鄭圍長

葛。

道光二年。武英殿刊刻。

左傳讀本卷一

隱公

古

傳五年春公將如棠觀魚者。臧僖伯諫曰。凡

物不足以講大事。其材不足以備器用。則君

不舉焉。君將納民於軌物者也。故講事以度

軌量。謂之軌。取材以章物。采謂之物。不軌不

物。謂之亂政。亂政亟行。所以敗也。故春蒐。

夏苗。秋獮。

音籛。

冬狩。皆於農隙以講事也。三年

而治兵。入而振旅。歸而飲至。以數軍實。昭

文章。明貴賤。辨等列。順少長。習威儀也。鳥獸

之肉。不登於俎。皮革。齒牙。骨角。毛羽。不登於

器則公不射古之制也。若夫山林川澤之實，器用之資，阜隸之事，官司之守，非君所及也。公曰：吾將略地焉。遂往陳魚而觀之。僖伯稱疾不從。書曰：公矢魚于棠，非禮也。且言遠地也。

棠，今魚臺城東北十二里。有魯侯觀魚臺。地居曲阜西南，為宋魯界上。公欲大設捕魚之備，觀之。臧僖伯諫，言漁獵之備，獵以講祀戎大事，皮革齒牙，角毛羽備器用。所以度軌備物，故春田蒐，擇不孕者。夏田為苗除害，秋田順秋氣，獮殺冬田圍狩，皆於農功四時之隙。三年則大治兵，入有振整眾旅之禮。歸飲於廟，曰飲至，以數車徒。

道元二十一年

左傳讀本卷一

隱公

五

器械以昭車服，旌旗以明貴賤之秩。以辨等列之次，以順少長之序，以習威儀之則。若漁及漁器，則有司存，非君所及也。公遜辭畧地，畧，巡行也。言巡行邊境，諱遠地也。
曲沃莊伯以鄭人邢人伐翼，王使尹氏武氏助之，翼侯奔隨。

翼，初封唐，後曰晉，姬姓國。曲沃，今聞喜地。亦曰新城。晉別封成師之邑。翼，今翼城縣。晉故絳也。時晉都之。隨，今介休縣。地與隨國別。尹氏，武氏，周大夫族。莊伯，成師子也。
夏葬衛桓公，衛亂，是以緩。

四月，鄭人侵衛牧，以報東門之役。衛人以燕師伐鄭，鄭祭足原繁洩駕以三軍軍其前，使

曼音萬伯與子元潛軍軍其後燕人畏鄭三軍

而不虞制人六月鄭二公子以制人敗燕師

于北制君子曰不備不虞不可以師

牧衛邑今汲縣地燕今胙城縣地此南燕
姑姓國春秋所謂燕皆南燕其姬姓國別
名之曰北燕制今汜水也

公子曼伯子元也虞慮也

曲沃叛王秋王命虢公伐曲沃而立哀侯于

翼翼侯已奔隨故立其子光

衛之亂也邠人侵衛故衛師入邠

道光二年
武英殿刊刻

左傳讀本卷一 隱公 夫

九月考仲子之宮將萬焉公問羽數於衆仲

對曰天子用八諸侯用六大夫四士二夫舞

所以節八音而行八風故自八以下公從之

於是初獻六羽始用六佾音逸也

考成也仲子桓母以非元妃故別立廟萬
干舞也亦為舞總名文舞用籥故問羽數
八六四二皆方列自乘之八為六十四人
六為三十六人四為十六人二為四人也
入音金石絲竹匏土革木之器以舞合其
音節八風者東谷風東南清明風南凱風
西南涼風西閭闔風西北不周風北廣莫
風東北融風人舞動行之八音八風竹合

邠國今汶上縣

翼侯已奔隨故立其子光

翼侯已奔隨故立其子光

翼侯已奔隨故立其子光

翼侯已奔隨故立其子光

廣莫。土合融。革合谷。匏合清明。絲合凱。石合涼。金合閭闔。木合不周。皆以舞節行之。

宋人取邾田。邾人告於鄭曰。請君釋憾於宋。

敝邑爲道。音導鄭人以王師會之。伐宋入其郛。

以報東門之役。宋人使來告命。公聞其入郛

也。將救之。問於使去聲者曰。師何及。對曰。未及

國。公怒。乃止。辭使去聲者曰。君命寡人。同恤社稷

之難。去聲今問諸使者曰。師未及國。非寡人之

所敢知也。

郛。郭也。東門役在四年。公知而問故。使者忿而改命。皆失之。七年。公仍爲伐邾之師。

道光一一年。武英殿刊刻。左傳讀本卷一 隱公 七

冬十二月辛巳。臧僖伯卒。公曰。叔父有憾於

寡人。寡人弗敢忘。葬之加一等。

僖伯。公子疆。有憾。謂諫觀魚。不聽。加一等。謂命服之等。

宋人伐鄭。圍長葛。以報入郛之役也。

長葛。今縣。屬許州。

經六年春。鄭人來渝。音俞平。夏五月辛酉。公

會齊侯盟于艾。五蓋切王秋七月。冬。宋人取

長葛。

傳六年春。鄭人來渝。音俞平。更平聲成也。

渝更也。平成也。言改約棄前惡。公為公子時。為鄭所執。怨鄭。鄭宋結怨。宋求魯助。公怒。宋使者失辭。不救。因厚鄭。故鄭來。

翼九宗五正頃音甫父音甫之子嘉父逆晉侯

于隨納諸鄂晉人謂之鄂侯

唐叔始封受懷姓九宗職官五正九宗一姓為九族五正五官之長嘉父翼大夫翼

以王命立哀侯今更納哀侯之父於鄂鄂晉地

夏盟于艾始平于齊也

艾在今萊蕪齊魯前不平今始平

五月庚申鄭伯侵陳大獲往歲鄭伯請成于

道光二年武英殿刊刻

左傳讀本卷一

隱公

六

陳陳侯不許五父音甫諫曰親仁善鄰國之寶

也君其許鄭陳侯曰宋衛實難去聲鄭何能為

遂不許君子曰善不可失惡不可長上聲其

陳桓公之謂乎長惡不悛七全切從自及也雖

欲救之其將能乎商書曰惡之易音異也如火

之燎于原不可鄉音向邇其猶可撲滅周任音壬

有言曰為國家者見惡如農夫之務去草焉

芟夷蕝崇之絕其本根勿使能殖則善者信

伸矣

五父陳公子佗也陳侯謂鄭非大國不足
畏難君子言惡不可長如火燎原則不可
撲滅惡之當去如去草芟刈夷殺蕪積當
聚之根絕不復能殖則善禾得伸喻陳當
自抑制也周黑風大夫今風秦文大夫其

秋宋人取長葛

經書於冬始來告經書秋七月無事必
書者舉四時以成年若秋八月九月有事
則其時已見若通一時三月內皆無事則
書其時孟月此春秋法也若不見其時則
屬闕文其隱公元年春三月有蔑盟仍書
王正月者見公不行即位禮定元年春王
三月有事不書正月者以定公六月即位
此是記載法則左氏傳經義亦不於此言
褒貶子奪

道光二年
武英殿刊刻

左傳讀本卷一

隱公

九

冬京師來告饑公為去聲之請糴於宋衛齊鄭
禮也

國內共命不
是禮得旁請鄰國

鄭伯如周始朝桓王也王不禮焉周桓公言
於王曰我周之東遷晉鄭焉依善鄭以勸來
者猶懼不其器訖切况不禮焉鄭不來矣

周采邑本在今鳳翔時地入秦子孫仍其
名稱桓公名黑肩平王東徙晉文侯鄭武
公左右王室故曰
晉鄭焉依訖至也

經七年春王三月叔姬歸于紀無傳滕侯卒

夏城中丘。齊侯使其弟年來聘。秋公伐邾。冬天王使凡伯來聘。戎伐凡伯于楚丘以歸。

傳七年春。滕侯卒。不書名。未同盟也。凡諸侯

同盟。於是稱名。故薨則赴以名。告終稱嗣也。

以繼好。去聲。息民。謂之禮經。

宋。盟以名告神。故薨以名告同盟。

夏城中丘。書不時也。申盟于郕。公外孫也。

中丘。今蘭山。地。申。平來聘。為艾之盟也。

齊侯使夷仲年來聘。結艾之盟也。

秋。宋及鄭平。七月。庚申。盟于宿。公伐邾。為聲。

宋討也。

鄭既渝。平。今與宋平。公失鄭援。而懼宋。故為討邾。

初。戎朝于周。發幣于公卿。凡伯弗賓。冬。王使

凡伯來聘。還。戎伐之于楚丘。以歸。

凡。今輝縣地。楚邱。戎邑。在曹縣東南五十里。與滑縣東之楚邱有別。凡伯失禮于戎。

戎惡之。後聘魯。經戎地。故戎伐之。不言凡伯敗者。單使無眾也。戎州。今曹縣地。

陳及鄭平。十二月。陳五父如鄭。蒞盟。壬申。及

道光二年 武英殿刊刻 左傳讀本卷一 隱公 三

鄭伯盟。歆如忘。去聲。洩伯曰：五父必不免，不賴

盟矣。鄭良佐如陳。洩盟。辛巳，及陳侯盟。亦知

陳之將亂也。洩盟使人臨之。歆，歆血。忘者，志不在也。洩伯，即洩駕。不賴，盟則無所賴恃。良佐，鄭大夫。陳之將亂也。

夫，知陳將亂，以其國政治威儀知之。且無疆卒。

鄭公子忽在王所，故陳侯請妻之。去聲。鄭伯許

之，乃成昏。陳以忽為王寵故。卒，葬之。

經八年春，宋公衞侯遇于垂。三月，鄭伯使

宛來歸祊。必彭切。庚寅，我入祊。夏六月，己亥

蔡侯考父卒。音甫。辛亥，宿男卒。音無。秋七

月庚午，宋公齊侯衞侯盟于瓦屋。八月，葬

蔡宣公。音無。九月辛卯，公及莒人盟于浮來

螟。音無。冬十有二月，無駭卒。

傳八年春，齊侯將平宋衞，有會期。宋公以幣

請於衞，請先相見。衞侯許之，故遇于犬丘。

平宋衞者，平宋衞之憾於鄭、犬邱衞地，即垂也。一地兩名，今曹縣地。

鄭伯請釋泰山之祀，而祀周公，以泰山之祊

之。

道光二年 武英殿刊刻 左傳讀本卷一

隱公

三

必彭易入許田。三月。鄭伯使宛來歸祊。不祀

泰山也。祊在今費縣西。近魯。舊為鄭助祭。泰山湯沐邑。許田在今許州城西北。近鄭。舊為魯朝成周。湯沐邑。許田有周公別廟。鄭欲祊與許田交易。而遜辭。請祀周公。宛。鄭大夫。入祊未受。至桓元年。乃卒易之。

夏。虢公忌父始作卿士于周。甫。晉。始作卿士于周。

四月。甲辰。鄭公子忽如陳。逆婦媯。辛亥。以媯

氏歸。甲寅。入于鄭。陳鍼子送女。先配而

後祖。鍼子曰。是不為夫婦。誣其祖矣。非禮也。

何以能育。道。光。二。年。武。英。殿。刊。刻。左。傳。讀。本。卷。一。隱。公。三。

鍼子。陳大夫。禮。逆婦。必先告祖廟。而後行。

故楚公子圍。稱告莊共之廟。鄭忽先逆婦。

而後告廟。故曰先配。而後祖。此杜預說也。

若賈逵。則以配為成夫婦也。禮齊而未配。

三月。廟見。然後配。鄭眾以配為同牢食也。

先食。而後祭。祖。無敬神之心。故曰誣其祖。

鄭康成。以祖為軼道之祭也。先為配。匹而後。祖道。言未去而行配。

齊人卒平宋衛于鄭。秋。會于温。盟于瓦屋。以釋東門之役。禮也。温。瓦屋。杜氏云。皆周地。今考瓦屋里在洧川南。其地在新鄭之東。當為鄭地。非周地也。蓋此會此盟。三國本欲就鄭。是時莊公為周卿士。故先會於河內之温。猶欲盟於

近鄭之瓦屋。鄭竟不至。三國遂自爲盟。蓋鄭怨宋衛深。陽許而實不欲平也。是以十年鄭復伐宋。觀會與盟之地。可得其情矣。温。今温縣。

八月丙戌。鄭伯以齊入朝。王禮也。

善鄭伯不以魏公得政而失禮。

公及莒人盟于浮來。以成紀好也。

浮來。紀地。在今蒙陰。成二年盟密之好。

冬。齊侯使來告成。三國公使衆仲對曰。君釋三國之圖。以鳩其民。君之惠也。寡君聞命矣。

敢不承受君之明德。

道光二年。武英殿刊刻。

左傳讀本卷二

隱公

重

也。鴻。集。

無駭卒。羽父請諡與族。公問族於衆仲。衆仲對曰。天子建德。因生以賜姓。胙之土而命之氏。諸侯以字爲諡。因以爲族。官有世功。則有官族。邑亦如之。公命以字爲展氏。

天子賜姓。因其所由生。以賜之姓。如舜由媯汭。故陳爲媯姓。其命氏。則以土。諸侯不得賜姓。命氏族而已。其臣之氏。以王父之字爲稱。如伯氏。叔氏。孟孫氏。叔孫氏。國氏。高氏之類。以字爲諡。因氏之。如齊氏。戴氏是也。其氏。即以爲族。官有世功者。如士氏。司城氏。其居舊邑。如韓氏。魏氏。東門氏。皆稟之於君。以爲氏族。公以無駭爲公子。展

之孫。因命其族為展氏。鄭廉成讀諸侯以字為諡。句謂因其字以為之諡。如魯哀公諱孔子。稱字而諡以尼父也。杜預以諸侯以字為句。則下為諡。因以為族。句難解。不從。

經九年春天王使南季來聘。無傳。王三月癸酉。

大雨震電。庚辰大雨。去聲。雪。挾卒。無傳。夏城。

郎。秋七月。冬公會齊侯于防。夏。

傳九年春。王三月癸酉。大雨霖以震。書始也。

庚辰大雨。去聲。雪亦如之。書時失也。凡雨自三。

日以往為霖。平地尺為大雪。書始也。言三。

道光二年 左傳讀本卷一 隱公 孟

日書始謂雨始癸酉雪始庚辰書時失言三月今正月未可震電既震電又不當雪平

尺地

夏城郎書不時也。

魯有兩郎隱元年費伯城郎在魚臺縣去魯遠此則魯近郊之邑桓十年齊衛鄭來戰於郎公羊傳云郎者何吾近邑也即此

宋公不王。鄭伯為王左卿士。以王命討之。伐。

宋。宋以入郟之役怨公。不告命。公怒。絕宋使。

不王謂不共王職公為宋伐郟宋猶怨公故絕其使

秋鄭人以王命來告伐宋。

伐郟宋猶怨公故絕其使

遺使致王命以伐宋 未得志謀更伐之。

冬公會齊侯于防。謀伐宋也。

防魯地。今費縣。

北戎侵鄭。鄭伯禦之。患戎師曰。彼徒我車。懼

其侵軼我也。公子突曰。使勇而無剛者。嘗

寇而速去之。君為三覆以待之。戎輕去聲而不

整。貪而無親。勝不相讓。敗不相救。先者見獲

必務進。進而遇覆。必速奔。後者不救。則無繼

矣。乃可以逞。從之。戎人之前遇覆者奔。祝聃

道光二年 武英殿刊刻

左傳讀本卷一

隱公

重

十一月甲寅。鄭人大敗戎師。皆不效。戎師大奔。

戎鄭交兵道險。戎徒兵。故鄭車師懼其侵軼。鄭用公子突之謀。設三覆。使人嘗寇。于

其起。戎前進者在鄭三覆之衷。乃盡殪。其

後者不敢救。亦大奔。侵軼以道險。故後荀

吳亦崇卒。道險則步卒利也。此則引之至

坦夷處。始與搏戰。公子突

經十年春王二月公會齊侯鄭伯于中丘

夏翬帥師會齊人伐宋 六月壬戌公

敗宋師于菅 古頑切 辛未取郟 晉告 辛巳取防

秋宋人衛人入鄭宋人蔡人衛人伐戴鄭伯
伐取之 冬十月壬午齊人鄭人入郕

傳十年春王正月公會齊侯鄭伯于中丘癸

丑盟于鄧為師期

謀伐宋也中邱今蘭山縣鄧亦魯地以釋
例推之癸丑乃正月二十六日經云二月

王不與齊王不與鄭

夏五月羽父先會齊侯鄭伯伐宋或不食其

先會非
公本期

六月戊申公會齊侯鄭伯于老桃壬戌公敗

道光二年
武英殿刊刻

左傳讀本卷一

隱公

美

宋師于菅

古頑切

庚午鄭師入郕辛未歸于

我庚辰鄭師入防辛巳歸于我君子謂鄭莊

公於是乎可謂正矣以王命討不庭不貪其

土以勞

去聲

王爵正之體也

老桃宋地在濟寧州北菅今單縣地郕
今城武縣地防今金鄉縣地與九年會防

丑地別郕防地去鄭遠鄭不能有以與
魯君子之言魯人自為說以誇美之

蔡人衛人邾人不會王命

不從
伐宋

秋七月庚寅鄭師入郕猶在郕宋人衛人入

鄭蔡人從之伐戴。八月壬戌，鄭伯圍戴。癸亥，克之，取三師焉。宋衛既入鄭，而以伐戴召蔡

人，蔡人怒，故不和而敗。

戴國在今考城。時鄭師還駐兵於郊。宋衛以奇兵乘虛入鄭，因召蔡同伐戴。蔡以不

同入鄭之功，故不和。三師俱在戴。鄭迴師合圍而取之。

九月戊寅，鄭伯入宋。

報入鄭也。

冬，齊人、鄭人入郕，討違王命也。

經十有一年春，滕侯、薛侯來朝，齊、夏公會鄭

道元二年武英殿刊刻

左傳讀本卷一

隱公

三

伯于時來。秋七月壬午，公及齊侯、鄭伯入

許。冬十有一月壬辰，公薨。

傳十一年春，滕侯、薛侯來朝，爭長。上聲薛侯曰：

我先封，滕侯曰：我周之卜正也。薛庶姓也，我

不可以後之。公使羽父請於薛侯曰：君與滕

君辱在寡人，周諺有之曰：山有木工則度。音鐸

之，賓有禮，主則擇之。周之宗盟，異姓爲後。寡

人若朝于薛，不敢與諸任。音壬齒。君若辱貺寡

人，則願以滕君爲請。薛侯許之，乃長滕侯。

對滕。姬姓國。侯爵。明年來朝。稱子。蓋時王所
賜。今滕縣西南十四里。是其都城。薛。任。姓。

與國。奚仲之後。夏時封。其都。在今滕縣南四
十里。諸侯相朝。所謂兩君之好。大賓禮也。

二君同時行禮。故爭長。滕先以同姓為十
正。周官下大夫秩。公援宗盟。載書先後之

禮。以請。薛侯從之。宗盟者。宗
伯屬官。掌作盟詛之載辭。

夏公會鄭伯于邾。來。謀伐許也。鄭伯將伐許。

五月甲辰。授兵於大宮。公孫闕過。與潁考

叔爭車。潁考叔挾軈以走。子都拔棘以逐之。

及大逵。弗及。子都怒。

邾。即時來。亦作釐。在今祥符東十里。許今
許州。姜姓國。授兵者。兵器。謂戈車之類。大

道光二年。左傳讀本卷一。隱公。天。

武英殿刊刻。宮。鄭祖廟。軈。車。轅。子都。公孫闕。

秋七月。公會齊侯。鄭伯。伐許。庚辰。傅于許。

潁考叔取鄭伯之旗。螫弧以先登。子都自

下射之。顛瑕叔盈又以螫弧登。周麾而呼。

曰。君登矣。鄭師畢登。壬午。遂入許。許莊公奔

衛。齊侯以許讓公。公曰。君謂許不共。故從

君討之。許既伏其罪矣。雖君有命。寡人弗敢

與。預聞。乃與鄭人。鄭伯使許大夫百里奉許

叔以居許東偏。曰。天禍許國。鬼神實不逞于

許君而假手于我寡人。寡人唯是一二父兄。

不能共供音億。其敢以許自爲功乎。寡人有弟。

不能和協。而使餽音胡其口於四方。其況能久。

有許乎。吾子其奉許叔以撫柔此民也。吾將

使獲也。佐吾子。若寡人得沒于地。天其以禮

悔禍于許。無寧茲許公復奉其社稷。唯我鄭

國之有請謁焉。如舊昏媾。音逆其能降以相從

也。無滋他族實偪處此。以與我鄭國爭此土

也。吾子孫其覆亡之不暇。而況能禋音因祀許

乎。寡人之使吾子處此。不唯許國之爲音去亦

聊以固吾圉也。乃使公孫獲處許西偏。曰。凡

而器用財賄。無寘於許。我死乃亟音入去之。吾

先君新邑於此。王室而旣卑矣。周之子孫。日

失其序。夫許大音泰岳之胤也。天而旣厭周德

矣。吾其能與許爭乎。君子謂鄭莊公於是乎

有禮。禮經國家。定社稷。序民人。利後嗣者也。

許無刑而伐之。服而舍之。度音鐸德而處之。量

良音力而行之。相音去時而動。無累後人。可謂知

道光二年
武英殿刊刻

左傳讀本卷二

隱公

完

禮矣。

鄭伯旗名螿弧。師人所識。考叔以登。闕以爭車。私嫌害之。盈又以登。明克許為鄭功。許近鄭。故齊不能有。魯亦不受。鄭伯以許東地與許。莊公之弟許叔。而以其大夫百里奉之。而自有許。西近鄭地。使公孫獲治之。其命百里之辭。言鄭國中自不能供給。億安。有弟段。亦寄食於外。或許能自振。當降心與鄭相從。可以固邊陲。其命獲言鄭遷新鄭。與許鄰。周既不振。許又太岳。後未可滅。及身尚可撫之。沒世則當去許。不與爭。君子所謂度德量力。相時不累。後人也。瑕叔盈。公孫獲。皆鄭大夫。

鄭伯使卒出玃音杭行音杭出犬雞。以詛音慮射。

穎考叔者。君子謂鄭莊公失政刑矣。政以治

道尤一年 武英殿刊刻 左傳讀本卷一 隱公 三

民。刑以正邪。既無德政。又無威刑。是以及邪。

邪而詛之。將何益矣。

鄭伯不治。公孫闕罪。但使師中出玃犬雞為詛。政刑兩失。故君子譏之。百人為卒。二十五人。

為行。

王取鄆音伍劉音伍蔿音尤委切蔿音子之田于鄭。而與鄭

人蘇忿生之田。溫原。絺。樊。隰。郕。欒音欒。茅。向。盟

也。怒而行之。德之則也。禮之經也。已弗能有。

而與人人之不至。不亦宜乎。

孟音 州陘 刑隕 類音 懷

鄆。劉皆在今偃師。鷲邶亦河南地。四邑鄆邑也。近於王。故王取之。蘇忿生。周武王司寇蘇公也。其田十二邑。在河北。遠於王。且其裔叛。王弗能有。因以與鄭。易也。温。今温縣。原。樊向。今濟源。緜。隰。郟。州。今河內。橫。業。隕。今脩武。盟。今孟縣。陘。今河北。近太行地。太行有九陘。懷。今武陟。縣。西南十一里有懷城。

鄭息有違言。息侯伐鄭。鄭伯與戰于竟。音境息

師大敗而還。君子是以知息之將亡也。不度

德。不量力。不親親。不徵辭。不察有罪。犯五不

韙。音偉而以伐人。其喪去聲師也。不亦宜乎。

息國。今息縣。姬姓國也。言語相違。則伐鄭。是不徵辭。不察有罪也。犯五不韙。謂五者

道光二年。武英殿刊刻。左傳讀本卷一 隱公 三

皆息不是。

冬十月。鄭伯以虢師伐宋。壬戌。大敗宋師。以

報其入鄭也。宋不告命。故不書。凡諸侯有命。

告則書。不然則否。師出臧否。音鄙亦如之。雖及

滅國。滅不告敗。勝不告克。不書于策。

臧否。謂善惡得失。

羽父請殺桓公。將以求大。音泰宰。公曰。爲其

少故也。吾將授之矣。使營菟。音平裘。吾將老焉。

羽父懼。反譖公于桓公。而請弑之。公之爲公

子也。與鄭人戰于狐壤，止焉。鄭人囚諸尹氏。賂尹氏而禱於其主鍾巫。遂與尹氏歸而立其主。十一月，公祭鍾巫。齊支挨切于社圃。館于千委切寯氏。壬辰，羽父使賊弑公子寯氏。立桓公而討寯氏有死者，不書葬，不成喪也。

菟裘，今泗水縣北。在魯東。公欲授桓位，不可自居國中，故營菟裘別邑以老。狐壤者，鄭地也。尹氏，鄭大夫。鍾巫，尹氏所主祭。公為公子時，與鄭戰，為所止獲，及從尹氏逃歸。因立鍾巫歲祭之。羽父者，翬也。欲殺桓，以媚桓。時公以鍾巫祭齊，外館寯氏。寯氏，魯大夫也。翬弑公而歸罪寯氏，討之有死。

道光二年

左傳讀本卷一

隱公

三

者謂不足數之人。不深竟其獄，不成喪，謂桓聽譖，因忍而畧其禮。

欽定春秋左傳讀本卷一

欽定春秋左傳讀本卷二 妻于穀目而致

桓公名軌。史記云名允。惠公之子。隱公之弟。母仲子。諡法辟土服遠曰桓。

經元年春王正月公即位 三月公會鄭伯

于垂鄭伯以璧假許田 夏四月丁未公及

鄭伯盟于越 秋大水 冬十月

傳元年春公即位脩好去聲于鄭 鄭人請復祀

周公卒易入聲祊必切田 公許之 三月鄭伯以

璧假許田為周公祊故也

隱八年鄭來歸祊未得許田今鄭請之仿以許田祀周公為名而復以璧假之若不

道光二年 武英殿刊刻 左傳讀本卷二

桓公

一

敢質言假者以其地有周公廟故傳曰為周公實則魯困受祊故傳又曰祊故也

夏四月丁未公及鄭伯盟于越 結祊成也 盟

曰渝 盟無享國

經言會于垂盟于越垂衛地今曹縣越近垂地渝謂更變

秋大水 凡平原出水為大水 十月

冬 鄭伯拜盟 五月公盟於 三民公會 盟於

諸侯來不見策 子歸也 魏士昭曰 賦

畫或有闕誤 云魯公之于鄭公

宋華切 父督見孔父之妻于路 目逆而送

之曰美而豔音怡

華父。宋戴公後為華氏。孔父弗父何後為孔氏。孔父或云名父字嘉。或云名嘉字父。形美曰美。色美曰豔。未至則目逆。既過則目送。皆極視精不轉也。

經二年春王正月戊申宋督弑其君與夷及

其大夫孔父 滕子來朝傳無三月公會齊

侯陳侯鄭伯于稷以成宋亂 夏四月取郕

古報切大鼎于宋戊申納于大音泰廟 秋七月

杞侯來朝 蔡侯鄭伯會于鄧 九月入杞

公及戎盟于唐冬公至自唐

道光二年 武英殿刊刻左傳讀本卷二 桓公

傳二年春宋督攻孔氏殺孔父而取其妻公

怒督懼遂弑殤公君子以督為有無君之心

而後動於惡故先書弑其君會于稷以成宋

亂為去聲賂故立華氏也宋殤公立十年十一

戰民不堪命孔父嘉為司馬督為大去聲宰故

因民之不堪命先宣言曰司馬則然已殺孔

父而弑殤公召莊公于鄭而立之以親鄭以

郕音告大鼎賂公齊陳鄭皆有賂故遂相去聲宋

公

督專殺大夫。是有無君之心。經先書弑君而後書殺孔父。是斥其先有無君之心。莊公。穆公子馮也。穆宋地。在今商邱。鄆國。在今城武。為宋所并。故宋以其器賂魯。諸侯納賂而為督功。立華氏為世卿。十年十一戰。皆以馮在鄭故。宣言司馬則然者。督欲歸咎于孔父。以集衆怨也。非督孫華耦。自言先臣督得罪殤公。是非自不可掩。

夏四月。取郟大鼎于宋。戊申。納于大廟。非禮也。臧哀伯諫曰。君人者。將昭德塞違。以臨照

百官。猶懼或失之。故昭今德以示子孫。是以清廟茅屋。大路越席。大羹不致。粢食

不鑿。昭其儉也。衮冕黻。帶裳

幅。昭其度也。藻率

龍黼黻。昭其文也。五色比象。昭其物也。錫

鸞和鈴。昭其聲也。三辰旂旗。昭其明也。夫

德儉而有度。登降有數。文物以紀之。聲明以

發之。以臨照百官。百官於是乎戒懼而不敢

易紀律。今滅德立違。而寘其賂器於大廟。以明示百官。百官象之。其又何誅焉。國家之敗。由官邪也。官之失德。寵賂章也。郟鼎在

道光二十一年 左傳讀本卷二 桓公 三

廟章孰甚焉。武王克商，遷九鼎于雒邑。義士猶或非之，而況將昭違亂之賂器於大廟。其若之何？公不聽。周內史聞之，曰：臧孫達其有後於魯乎？君違，不忘諫之以德。

大廟，周公廟。納宋賂，蓋以成宋為功。哀伯謂此乃滅德立違之事。哀伯，僖伯子。名達。言昭德塞違，于制度見之。故清廟則以茅飾，大路則結草為車茵，而不加綠。大羹內汁，不致五味之和。黍稷粢食，不精鑿，所以見其儉也。章數，衣服以下。冕有旒數，韋鞞蔽膝，固股，及珽笏之制。革帶之冠，下裳之章。滕固，股曰幅，複履曰舄。維持，冠則有衡。冠垂瑱，則有紘。纓繩繫冠，則有紘。冠上覆則有綖，所以示制度也。藉玉，則有纁。采曰

道光二年

武英殿刊刻

全傳讀本卷二

桓公

四

藻，刷巾曰率，佩刀之容。上有鞞，下有鞞。大帶垂紳曰鞶，其垂曰厲。旌旗有游，馬當胸有纓，所以示尊卑之數也。畫衣之火，與龍繡裳之白，黑斧曰黼，青黑兩已相背曰黻。所以示文章也。車服器械，章以五色。比象四方上下，所以示器有取則，物不虛設也。車馬之制，刻金飾馬，當額曰錫，鈴在鑣。當馬口兩旁曰鸞，鈴在衡。當馬頸上曰和。其在旂則曰鈴，是昭其聲也。車旂之制，畫日月星三辰于旂旗上，是昭其明也。凡此皆昭德塞違，故百官不敢易變紀律。今滅德立違之器，寘于廟，則章示百官，將恐百官象之，雜邑遷鼎，夷齊之屬，猶或非之。言綱常倫紀之際，當深思而行也。內史，周大夫。言桓違而達德，達言督違而

秋七月，杞侯來朝，不敬。杞侯歸，乃謀伐之。

杞夏後姒姓國本居雍邱今河南杞縣地後入宋蓋宋侵得之杞遷東奔為今山東安邱地所謂淳于也隱四年經莒伐杞取牟婁牟婁今諸城縣地

蔡侯鄭伯會于鄧始懼楚也

鄧蔡地今鄧城縣東南公羊及賈逵服虔以為國名非也時楚武王始稱王

九月入杞討不敬也

公及戎盟于唐脩舊好也

冬公至自唐告于廟也凡公行告于宗廟反

行飲至舍音赦爵策勲焉禮也特相會往來稱

地讓事也自參音三以上音上則往稱地來稱會

道光二十一年武英殿刊刻

左傳讀本卷二

桓公

五

成事也

飲至謂勞酒舍置也爵飲器也飲畢置爵即書勲勞於策言速紀有功也特會讓事者言兩國會莫肯為主故但書三國以上則有主之者故往稱地來稱會

初晉穆侯之夫人姜氏以條之役生大音泰子

命之曰仇音求其弟以千畝之戰生命之曰成

師師服曰異哉君之名子也夫名以制義義

以出禮禮以體政政以正民是以政成而民

聽音入易音聲則生亂嘉耦曰妃怨耦曰仇古之命

也今君命大子曰仇弟曰成師始兆亂矣兄

其替乎。惠之二十四年。晉始亂。故封桓叔于

曲沃。靖侯之孫欒賔傳之。師服曰。吾聞國家

之立也。本大而末小。是以能固。故天子建國

諸侯立家。卿置側室。大夫有貳宗。士有隸子

弟。庶人工商各有分聲。親去聲又皆有等衰。

初危是以民服事其上。而下無覬音覷覦音逾。今

晉甸音浞侯也。而建國本既弱矣。其能久乎。惠

之三十年。晉潘父弑昭侯而納桓叔。不克。晉

人立孝侯。惠之四十五年。曲沃莊伯伐翼。弑

翼。光二年。左傳讀本卷二。桓公。六。

武英殿刊刻。左傳讀本卷二。桓公。六。

孝侯翼人立其弟鄂侯。鄂侯生哀侯。哀侯侵

陘庭之田。陘庭南鄙。啓曲沃伐翼。

晉翼。晉都也。今翼城。曲沃。今聞喜。條。在今安邑。千畝。在今介休。陘庭。翼南鄙邑。仇。文侯

名。成師。桓叔名。師服。晉大夫。譏穆侯命名。非義。懼文侯替廢。後文侯立功周室。見尙

書。名義和。文侯卒。子昭侯立。始亂者。懼成師。不自安。乃大封桓叔于曲沃。以靖侯之

孫欒賔傳之。靖侯。桓叔之高祖父。言得貴寵。公孫爲之傅相。時適當魯惠公之二十

四年也。師服又譏之。言晉乃甸服諸侯。不應自別封國。指陳天子乃建國。諸侯則立

家。卿分爲側室。側室。衆子也。大夫有貳宗。適子爲小宗。次子爲貳宗。士有隸子弟。以親疏爲分別也。必皆有等差。所以

無覬覦非望。
今晉兩失之。

經三年春正月公會齊侯于嬴盈音夏齊侯

衛侯胥命于蒲六月公會杞侯于郕秋

七月壬辰朔日有食之既無傳公子翬如齊

逆女九月齊侯送姜氏于謹呼端切公會

齊侯于謹無傳夫人姜氏至自齊無傳冬齊

侯使其弟年來聘有年無傳

傳三年春曲沃武公伐翼次于陘庭韓萬御

戎梁弘為右逐翼侯于汾隰驂絰音而止夜

道光二年
武英殿刊刻
左傳讀本卷二
桓公
七

獲之及欒共音叔武公桓叔孫莊伯子也韓萬莊伯弟御戎

僕也右戎車之右逐翼侯翼侯驂駢馬轡

絲絰結而止遂被獲欒共叔者欒賔子

各事其主時傳翼侯汾隰謂汾水之隰

會于嬴盈音成昏于齊也嬴齊邑今泰安自

夏齊侯衛侯胥命于蒲不盟也公會

蒲衛地今長垣地胥命甲

公會杞侯于郕杞求成也求成郕今汶上地

杞以二年見伐故

秋公子翬如齊逆女。修先君之好。去聲故曰公

子。齊侯送姜氏。非禮也。凡公女嫁于敵國。姊

妹則上卿送之。以禮於先君。公子則下卿送

之。於大國。雖公子亦上卿送之。於天子。則諸

卿皆行。公不自送。於小國。則上大夫送之。

昏禮。辭稱先君。故逆使稱公子。齊侯送女。謂送于謹。謹在今寧陽西北。魯地。

冬齊仲年來聘。致夫人也。

女出嫁。又隨加聘問。所以存謙敬。序殷勤也。在魯出使。則曰致。女他國來。則總曰聘。

故傳以致夫人釋之。

道光二年 武英殿刊刻 左傳讀本卷二 桓公

芑如銳切伯萬之母芑姜。惡去聲芑伯之多寵人

也。故逐之。出居于魏。

芑。魏。皆姬姓國。芑。今蒲州芮城。魏。今芮城東北地。

經四年春正月公狩于郎。夏天王使宰渠

伯糾來聘。

傳四年春正月公狩于郎。書時禮也。

郎。在今魚臺。書時者。冬獵曰狩。周正月。今之冬也。

夏周宰渠伯糾來聘。父在故名。

宰。官。渠。氏。伯糾。名。父在者。攝父職。傳言天子大夫使列國。當書字。有所貶。則書名。武

氏子不書名者。彼不攝父職。無爵可貶。但書武氏子。其義自見。

秋。秦師侵芮。敗焉。小之也。

冬。王師秦師圍魏。執芮伯以歸。

秦。嬴姓國。時有殺函以西地。侵芮者責其出芮伯。更立君。輕其國小。反為所敗。故圍魏。執芮舊君。將欲納之。此經無。秋冬者文闕失。

經。五年春正月甲戌己丑。陳侯鮑卒。

夏。齊侯鄭伯如紀。天王使仍叔之子來聘。

葬陳桓公。城祝丘。秋。蔡人衛人。

陳人從王伐鄭。大雩。冬。州公如。

曹。道光二年。武英殿刊刻。左傳讀本卷二。桓公。九。

傳。五年春正月甲戌己丑。陳侯鮑卒。再赴也。

於是陳亂。文公子佗殺大。子免而代。

之。公疾病而亂作。國人分散。故再赴。

陳侯鮑。陳桓公。甲戌。四年十二月二十一日。己丑。此年正月六日。國亂故再赴。明年蔡人殺佗。佗稱文公子。明非桓公母弟。

夏。齊侯鄭伯朝于紀。欲以襲之。紀人知之。

紀。今壽光。知其謀懼而來告。魯亦城祝丘。今蘭山東南。

王奪鄭伯政。鄭伯不朝。

秋。王以諸侯伐鄭。鄭伯禦之。王為中軍。虢公

林父將去聲下同右軍。蔡人衛人屬音蜀下同焉。周公

黑肩將左軍。陳人屬焉。鄭子元請為左拒。以

當蔡人衛人。為右拒。以當陳人。曰。陳亂。民莫

有鬪心。若先犯之。必奔。王卒顧之。必亂。蔡衛

不枝。固將先奔。既而萃於王卒。可以集事。從

之。曼音萬伯為右拒。祭音蔡下同仲足為左拒。原繁

高渠彌。以中軍奉公。為魚麗音平之陳。先偏

後伍。伍承彌縫。戰于緡音須葛。命二拒曰。旒音檜

動而鼓。蔡衛陳皆奔。王卒亂。鄭師合以攻之。

王卒大敗。祝聃射王中去聲肩。王亦能軍。祝聃

請從之。公曰。君子不欲多上人。況敢陵天子

乎。苟自救也。社稷無隕。多矣。夜。鄭伯使祭足

勞去聲王。且問左右。

隱八年。虢公忌父。為王卿士。九年傳。言鄭伯為王左卿士。則虢為右。此年周公黑肩

為左卿士。虢公林父為右卿士。鄭不復入仕于周。桓王以其不朝。伐之。子元。鄭公子。

為左右拒。謂為兩方。陳萃。謂聚攻。王卒。謂中軍。集事。謂成功。魚麗。謂以車兵二

十五乘。名偏者。居先。而後以徒兵之伍。伍承偏之後。彌縫其隙。緡。葛。今長葛縣。鄭地。

左傳讀表卷二 桓公 十一

道光二年 武英殿刊刻

左傳讀表卷二

桓公

十一

也。周官司常云。通帛為旂。旂即旒也。鄭命
二拒見中軍。旂動則鼓而前攻。王自在軍
中。祝聃射中之。王亦能軍。敗而不奔也。鄭
不敢復逼王。乃收兵自退。勞王問左右。鄭
之詐也。鄭言不欲多上人。言常人且不可
多方陵上之。左氏古文賈逵說。旂為發石
一。曰飛石。說文於部。旂云。建大木置石其
上。發以機。以碓敵。亦左氏古文義。三軍人
眾。列陳路遠。發石之動。無能具見。不能以
準鼓候。不若通帛之動。有據而易見也。曼
伯。檀伯也。

仍叔之子弱也

仍叔。天子大夫。其子來聘。成禮于夏。故經
書于夏。傳釋之。繻葛秋戰後。言童子將命。
無速反之心。久留魯國。

道光二年
武英殿刊刻

左傳讀本卷二

桓公

十一

秋。大雩。書不時也。凡祀。啓蟄。而郊。龍見

現音而雩。始殺而嘗。閉蟄而烝。過則書。

傳復舉秋者。以明不時。凡常祀有時。魯以
周公後得郊。寅月郊。以祈穀也。啓蟄。漢以
前為寅月中氣。驚蟄為卯月初法。後始改雨水
為寅月中氣。驚蟄為卯月節氣。龍見而雩。
亦常雩。龍謂角亢。為蒼龍宿。建巳之月。蒼
龍之宿。昏見於東方。則雩祭。雩之言遠也。
遠為百穀祈膏雨。過時不雨。則又雩。雩。吁
也。謂旱則吁嗟哭泣以求雨。始殺而嘗者。
陰氣始殺。建酉月也。嘉穀登。嘗于廟。閉蟄。
建亥月。萬物既成。可薦者眾。故烝祭廟。烝
之言眾也。此言秋雩。周秋。
午未申月。過龍見之時。

冬。淳于公如曹。度其國危。遂不復。

淳于。州都。今安邱縣地。州。姜姓國。公爵。曹今定陶。時州有危難。其君自度不能保。遂

不復國。謂明年遂如魯也。淳于此後為祀所有。

經六年春正月寔來夏四月公會紀侯于

成秋八月壬午大閱蔡人殺陳佗王九

月丁卯子同生冬紀侯來朝

傳六年春自曹來朝書曰寔來不復其國也

言州公來奔則行朝禮言州公來朝則遂留不去故變文曰寔來寔實也

楚武王侵隨使薳于委章求成焉軍於瑕以

待之隨人使少師董成鬬伯比言於楚子曰

吾不得志於漢東也我則使然我張吾三軍

而被皮寄吾甲兵以武臨之彼則懼而協以

謀我故難閒去聲也漢東之國隨為大隨張去聲

又如必棄小國小國離楚之利也少師侈請

字嬴劣追師以張之熊率音律且音疽比曰季梁在

何益鬬伯比曰以為後圖少師得其君王毀

軍而納少師少師歸請追楚師隨侯將許之

季梁止之曰天方授楚楚之嬴其誘我也君

何急焉臣聞小之能敵大也小道大淫所謂

道光二年
武英殿刊刻

左傳讀本卷二

桓公

十一

道忠於民而信於神也。上思利民，忠也。祝史正辭，信也。今民餒而君逞欲，祝史矯舉以祭，臣不知其可也。公曰：吾牲牷肥腍，音音粢盛音成。

豐備，何則不信？對曰：夫民，神之主也。是以聖

王先成民而後致力於神，故奉牲以告曰：博

碩肥腍，謂民力之普存也。謂其畜之碩大蕃

滋也，謂其不疾疫。音音族蠹音音裸也。謂其備腍咸有

也。奉盛以告曰：絜粢豐盛，謂其三時不害而

民和年豐也。奉酒醴以告曰：嘉粟旨酒，謂其

上下皆有嘉德而無違心也。所謂馨香，無讒

慝音音也。故務其三時，脩其五教，親其九族，以

致其禋祀，於是乎民和而神降之福。故動則

有成，今民各有心，而鬼神乏主，君雖獨豐，其

何福之有？君姑脩政而親兄弟之國，庶免於

難。音音去聲。隨侯懼而脩政，楚不敢伐。

音音楚子爵，芊姓國。始都丹陽，今歸州。徙丹陽

今枝江。徙郢，今江陵。世本云：武王熊達都

郢。史記云：文王熊賁始都郢。案傳：沈尹戌

曰：若敖蚡冒，至于武文，土不過圻，猶不城。郢則楚之都，郢并不始於武文。蓋經營之數世，至武文而始定耳。隨侯爵，姬姓國。今

道光二年
武英殿刊刻

左傳讀本卷二

桓公

三

齊 隨州。瑕。隨地。楚時方盛。侵隨而求成。即所以張隨。使自侈大。因棄諸隣。小國。楚得取之。少師。隨大夫。隨侯使董正成事。不知楚師。僑。羸弱。既成。又追擊之。季梁諫止也。祝謂毛體正完。臚亦肥也。癘。蠹皮病。備。臚。咸有言。牧養。求索。無闕。嘉栗。德美。而意謹。敬也。隨侯不追楚。敗成約。又修政。故楚置之。九族。多異義。古尚書說。從高祖至元孫。凡九。尚書。歐陽說。父族四。五屬之內。為一族。父女。昆弟。適人者。與其子。為一族。已女。昆弟。適人者。與其子。為一族。已之女子。子。適人者。與其子。為一族。母族三。母之父。姓。為一族。母之。母。姓。為一族。妻。族。二。妻之父。姓。為一族。與其子。為一族。妻。族。二。妻之父。姓。為一族。妻之。母。姓。為一族。杜預說。九族。與歐陽畧同。唯不數已之同族。而專指外親之有服者。遂不可通矣。鬪伯比。熊率。且比。皆楚大夫。季梁。隨賢臣。

道光二年
武英殿刊刻

左傳讀本卷二

桓公

十四

夏會于成。紀來諮謀齊難也。

成魯地。在今寧陽。齊欲滅紀。故來謀之。訪於善為諮。諮難為謀。

北戎伐齊。齊侯使乞師于鄭。鄭大子忽帥

師救齊。六月。大敗戎師。獲其二師。大良

少良。甲首三百。以獻於齊。於是諸侯之大夫

戍齊。齊人饋之餼。使魯為其班。後鄭。鄭

忽以其有功也。怒。故有郎之師。公之未昏於

齊也。齊侯欲以文姜妻。鄭大子忽

辭人問其故。犬子曰：人各有耦，齊大非吾耦也。詩云：自求多福，在我而已。大國何為？君子曰：善自為謀，及其敗戎師也。齊侯又請妻之。固辭，人問其故。犬子曰：無事於齊，吾猶不敢。今以君命奔齊之急，而受室以歸，是以師昏也。民其謂我何？遂辭諸鄭伯。

甲首被甲者首，性腥曰饑，魯以爵為班，抑鄭之功，故鄭怒。郎之師在十年，犬子忽辭齊昏以禮，君子善其自為謀，言惜失強援，謀不及國也。繼又辭師昏，假鄭伯之命為辭，俱得其正。

道光二年
武英殿刊刻左傳讀本卷二

桓公

五

秋大閱，簡車馬也。

非時簡閱，備鄭怒也。

九月丁卯，子同生，以犬音泰子生之禮舉之。接

以犬音泰牢，卜士負之，士妻食音飼之。公與文姜

宗婦命之。公問名於申繻，繻對曰：名有五，有

信，有義，有象，有假，有類，以名生為信，以德命

為義，以類命為象，取於物為假，取於父為類，

不以國，不以官，不以山川，不以隱疾，不以畜

牲，不以器幣。周人以諱事神名，終將諱之，故

以國則廢名。以官則廢職。以山川則廢主。以畜牲則廢祀。以器幣則廢禮。晉以僖侯廢司徒。宋以武公廢司空。先君獻武廢二山。是以大物不可以命。公曰。是其生也。與吾同物。命之曰同。

備犬子生之禮。故書于策。不稱犬子者。書始生也。接以大牢。謂以禮接夫人。其禮見內則。鄭康成讀接為捷。捷勝也。謂以太牢食其母。使補虛強氣。食之謂乳母。命之謂命名。名生者。若唐叔虞。魯季友。德命。若文王昌。武王發。類象若孔子。首象尼山。假物。若伯魚生。人有饋之魚。因名。取于父為類。則若子同生。與父同日是也。其不應以名。

道光二年

左傳讀本卷二

桓公

去

者。國則晉侯。周衛侯。晉陳侯。吳官。與山川則晉宋魯君。隱疾。則晉侯黑臀。畜牲。謂六畜。器幣。謂禮器玉帛。晉諱司徒。廢此官。宋諱司空。改司城。魯諱具敖。以其鄉名山。今新泰東南有此二山。相去十五里。杜預以周人以諱事神名為句。眾家多以名字屬下句。今從杜。

冬。紀侯來朝。請王命以求成于齊。公告不能。

紀微弱。不能自通於天子。欲因公以請王命。公無寵於王。故告不能。

經七年春二月己亥焚咸丘。夏穀伯綏

來朝。鄧侯吾離來朝。

傳七年春穀伯鄧侯來朝名賤之也。

穀今穀城。鄧今鄧州。近楚國。遠來朝魯。以禮不足。賤稱名。傳言以春來。經書夏者。夏始行禮。是年二月焚咸邱。夏正之十二月。火田也。咸邱今鉅野地。經無秋冬。亦文闕。

夏盟音孟向求成于鄭。既而背之。

秋鄭人齊人衛人伐盟向。王遷盟向之民于音洽郟。

盟向。二邑。必有主據之。言求成于鄭。是主求成也。隱十一年。王與鄭。傳稱王不能。有然則鄭雖得之。亦不能有。故今始求成。既而背之。是背鄭歸王。故王遷其民于郟。郟洛陽也。

冬曲沃伯誘晉小子侯殺之。

道光二十一年。武英殿刊刻。左傳讀本卷三。桓公。七。

經八年春正月己卯烝無傳天王使家父音甫

來聘無傳夏五月丁丑烝無傳秋伐邾無傳

冬十月雨雪去聲無傳祭蔡音蔡公來遂逆王后于

紀傳八年春滅翼人於盟向。王遷盟向之民于

曲沃滅之。隨少師有寵。楚鬬伯比曰。可矣。讎有釁許觀切

不可失也。夏楚子合諸侯于沈鹿。黃隨不會。

使遠章讓黃。楚子伐隨，軍於漢淮之間。季梁請下去聲之。弗許而後戰。所以怒我而怠寇也。少師謂隨侯曰：必速戰，不然將失楚師。隨侯禦之。望楚師，季梁曰：楚人上左，君必左。無與王遇。且攻其右，右無良馬，必敗。偏敗，衆乃攜矣。少師曰：不當王，非敵也。弗從。戰于速杞。隨師敗績。隨侯逸，鬪丹獲其戎車，與其戎右少師。秋，隨及楚平。楚子將不許，鬪伯比曰：天去聲，其疾矣。隨未可克也。乃盟而還。

道光二年

左傳讀本卷二

桓公

六

隨。今隨州。黃。今光州。沈鹿。今鍾祥縣地。漢淮之間。今隨州東南也。速杞。即漢淮之間。鬻謂其失政瑕隙，下之請服也。下楚而楚弗許，則隨人怒。楚人怠。季梁知楚君在楚左軍，欲先攻其右，皆不見用。而敗。隨少師爲戎右，見獲，故曰：天去其疾。鬪丹，楚大夫。

冬。王命虢仲立晉哀侯之弟緡。

亡于晉

虢仲。王卿士。號公。林父。

祭

音蔡

公來。遂逆王后于紀。禮也。

祭。今鄭州地。時在周圻內。與鄭祭之。在長垣者別。言來遂逆者。王使魯主昏。故來受命。即行。

經

九年春。紀季姜歸于京師。夏四月。秋。

七月冬曹伯使其世子射音亦姑來朝

傳九年春紀季姜歸于京師凡諸侯之女生

唯王后書

逆稱王后自逆者言之歸稱季姜自歸者言之

巴子使韓服告于楚請與鄧爲好楚子使道
胡將巴客以聘於鄧鄧南鄙鄆人攻而奪之
幣殺道朝及巴行人楚子使選章讓於鄧鄧
人弗受夏楚使鬪廉帥師及巴師圍鄆鄧養
甥聃甥帥師救鄆三逐巴師不克鬪廉衡音橫

道光二十一年
武英殿刊刻

左傳讀本卷二

桓公

一九

陳去聲其師於巴師之中以戰而北鄧人逐之

背巴師而夾攻之鄧師大敗鄆人宵潰

巴今重慶巴縣鄧今鄧州自巴至鄧應道
楚故楚使人將之鄆今襄陽縣東北在鄧
南沔水北也弗受謂不任其過不克謂楚
巴不能克鄧鬪廉分陳巴師以楚師衡陳
其中戰而佯北鄧人逐之則巴師在鄧之
背楚巴於是夾攻之韓服巴行人巴客指
韓服道朔遠章鬪廉楚
大夫養甥聃甥鄧大夫

秋虢仲芮伯梁伯荀侯賈伯伐曲沃

虢今陝州芮今同州大荔梁今同州韓城
荀今絳州東北賈亦在今絳州五國共伐
曲沃蓋
爲晉計

冬曹犬音秦子來朝賓之以上卿禮也享曹犬

子初獻樂奏而歎施父音甫曰曹犬子其有憂

乎非歎所也

曹犬子桓公子莊公射姑也曹伯有疾故使其子來覲禮諸侯之嫡子攝其君未誓

于天子則以皮帛繼子男此賓之以上卿之禮謂出入三積食三年一享一食宴之

歎者思父疾施父魯大夫聞其歎知之

經十年春王正月庚申曹伯終生卒夏五

月葬曹桓公無傳秋公會衛侯于桃丘弗遇

無傳冬十有二月丙午齊侯衛侯鄭伯來戰

道光二年
武英殿刊刻

左傳讀本卷三

桓公

三

于郎

傳十年春曹桓公卒

終施父之言

號仲譖其大夫詹父音甫於王詹父有辭以王

師伐號

夏號公出奔虞

號仲周右卿士詹父卿士屬下大夫也虞今山西平陸

秋秦人納芮伯萬于芮

四年圍魏所執者

來聘齊公以土賦豐出享曹犬

初。虞叔有玉。虞公求旃。音弗獻。既而悔之。曰。

周諺有之。匹夫無罪。懷璧其罪。吾焉音用此。

其以質音害也。乃獻之。又求其寶劍。叔曰。是

無厭音也。無厭將及我。遂伐虞公。故虞公出

奔共池。

音恭池。

虞。姬姓國。仲雍後。居今平陸。虞叔。虞公之弟。言虞公貪。以出奔共池。今平陸西四十

里許。與讓畔城相近。周諺有之。文選。鷓鴣賦。注。引云。周任有言。蓋古語。言人利其有。

致。可以致禍。

冬。齊衛鄭來戰于郎。我有辭也。初。北戎病齊。

道光二十一年。武英殿刊刻。

左傳讀本卷二

桓公

三

諸侯救之。鄭公子忽有功焉。齊人餽諸侯。使

魯次之。魯以周班後鄭。鄭人怒。請師於齊。齊

人以衛師助之。故不稱侵伐。先書齊衛。王爵

也。

郎。今魚臺。在魯西南。蓋齊人遠就衛鄭之師也。言來戰者。明魯直有辭。交綏而退。無

敗績。六年。魯大閱。此年秋。公會衛侯于桃邱。衛侯背公。更與齊鄭。故公不遇。魯益知

有師來而為之備也。桃邱。今東阿地。當屬齊。杜預云。衛地。恐非鄭主兵而序齊衛下

爵次之。

經十有一年春正月齊人衛人鄭人盟于惡

曹夏五月癸未鄭伯寤生卒秋七月葬

鄭莊公無傳九月宋人執鄭祭仲突歸于鄭

鄭忽出奔衛柔會宋公陳侯蔡叔盟于折

無傳公會宋公于夫鍾無傳冬十有二月公

會宋公于闕口暫切無傳

傳十一年春齊衛鄭宋盟于惡曹

經無宋傳備言之惡曹地闕

楚屈瑕將盟貳軫音云人軍於蒲騷音蕭又音操

將與隨絞古卯切州蓼音了伐楚師莫敖音平患之

鬪廉曰鄭人軍其郊必不誠且日虞四邑之

至也君次於郊郢音穎以禦四邑我以銳師宵

加於鄭鄭有虞心而恃其城莫有鬪志若敗

鄭師四邑必離莫敖曰盍請濟師於王對曰

師克在和不在衆商周之不敵君之所聞也

成軍以出又何濟焉莫敖曰卜之對曰卜以

決疑不疑何卜遂敗鄭師於蒲騷卒盟而還

貳國今應山縣軫國今應城縣西鄭亦作澶今安陸蒲騷鄭邑今應城北隨國今隨

州絞國今鄖縣州國今荊州監利蓼國今南陽唐縣郢郢今鍾祥莫敖楚官名即屈

道光二年 武英殿刊刻 左傳讀本卷二 桓公 三

瑕也。濟師謂益師。鄭人將阻楚盟。自恃蒲驪地近。而俟隨絞州蓼之師。因而致敗。

鄭昭公之敗北戎也。齊人將妻之。去聲。昭公辭。

祭仲曰：必取之。君多內寵，子無大援。於眷切。將

不立。三公子皆君也，弗從。

夏，鄭莊公卒。初，祭音蔡封人仲足有寵於莊公。

莊公使爲卿，爲去聲公娶鄧曼，生昭公。故祭仲

立之。宋雍氏女去聲於鄭莊公曰雍姑。其吉切。生

厲公。雍氏宗有寵於宋莊公，故誘祭仲而執

之。曰：不立突，將死。亦執厲公而求賂焉。祭仲

與宋人盟，以厲公歸而立之。而宋人親爲祭仲

秋九月丁亥，昭公奔衛。己亥，厲公立。而而辟

鄭昭公。莊公世子忽也。厲公子突也。又子

祭。今長垣。與鄭州周圻內祭別。三公子謂

厲公及子儀子亶。三人母皆有寵。皆可奪

嫡。昭公辭齊婚以禮。鄭人以突因母家強

逐。答昭公失強援。愛之深。故答之亦切。前

年鄭與齊衛來戰于郎。今年又盟于惡曹。

經十有二年春正月。夏六月壬寅公會杞

侯莒子盟于曲池。秋七月丁亥公會宋公

道光二年 武英殿刊刻 左傳讀本卷二 桓公 重

燕人盟于穀丘。無八月壬辰陳侯躍卒。無傳

公會宋公于虛。門冬十有一月公會宋公于

龜。丙戌公會鄭伯盟于武父。丙戌衛侯

晉卒。無傳十有二月及鄭師伐宋。丁未戰于

宋。

傳十二年夏盟于曲池。平杞莒也。

益。曲池魯地。今曲阜縣北。平隱四年莒伐杞之怨。

公欲平宋鄭。秋公及宋公盟于句。鈞瀆。音豆之

丘。宋成未可知也。故又會于虛。冬又會于龜。

宋公辭平。故與鄭伯盟于武父。音甫遂帥師而

伐宋。戰焉。宋無信也。君子曰。苟信不繼。盟無

益也。詩云。君子屢盟。亂是用長。上聲無信也。

宋。宋以立厲公故。多責賂于鄭。鄭人不堪。公欲平之。宋公貪鄭賂。與公三會。而卒辭不

與平。故盟鄭而伐宋。穀邱。宋地。即句瀆之

邱。緩言句瀆。合音則穀也。今商邱南四十

里有穀邱。曹縣東北三十里。亦有穀邱。虛

龜。皆宋地。疑在今睢州境。武父。鄭地。今東

楚伐絞。軍其南門。莫敖屈瑕曰。絞小而輕。遣

輕則寡謀。請無扞。戶旦切采樵者以誘之。從

道光二年
武英殿刊刻

左傳讀本卷二

桓公

十四

之絞人獲三十人。明日絞人爭出驅楚役徒

於山中。楚人坐其北門而覆切扶。又諸山下大

敗之。為城下之盟而還。伐絞之役。楚師分涉

於彭。羅人欲伐之。使伯嘉謀徒切之。三巡數

聲之。曰莫楚必煩舉師高公不固矣遂原師

無扞采樵者不衛采樵之人使絞獲之因

坐守其門使不得歸而設伏敗其出逐之

人也彭水在今房縣境下入漢羅熊姓國

今宜城謀伺也蓋備楚又欲伐其師明年

伐羅楚遂 三月公衛宣公夏大水

經十有三年春二月公會紀侯鄭伯已巳及

齊侯宋公衛侯燕人戰齊師宋師衛師燕師

敗績 三月葬衛宣公無傳 夏大水無傳 秋

七月無傳 冬十月無傳

傳十三年春楚屈瑕伐羅鬪伯比送之還謂

其御曰莫敖必敗舉趾高心不固矣遂見音現

楚子曰必濟師楚子辭焉入告夫人鄧曼鄧

曼曰大夫其非衆之謂其謂君撫小民以信

訓諸司以德而威莫敖以刑也莫敖狃於蒲

騷之役將自用也必小羅君若不鎮撫其不

道光二年 武英殿刊刻

左傳讀本卷二

桓公

重

設備乎。夫固謂君訓衆而好鎮撫之。召諸司而勸之以令德。見莫敖而告諸天之不假易異也。不然。夫豈不知楚師之盡行也。楚子使賴人追之。不及。莫敖使徇以俊切。于師曰。諫者有刑。及鄢音偃。亂次以濟。遂無次。且不設備。及羅。羅與盧戎兩軍之。大敗之。莫敖縊于荒谷。羣帥囚于冶父音甫。以聽刑。楚子曰。孤之罪也。皆免之。

羅。今宜城。賴。今隨州北地。鄢水。在宜城入漢。盧戎。在今南漳縣東。荒谷。今江陵西。冶父。今宜城。賴。今隨州北地。鄢水。在宜城入漢。盧戎。在今南漳縣東。荒谷。今江陵西。冶父。今宜城。

道光二年
武英殿刊刻

左傳讀本卷二

桓公

三

父。今江陵東。鬪大夫見莫敖驕而難言其敗。故言必濟師。意謂此行不能必勝也。莫敖狂於成見。不設備。欲以誘羅。遂以自敗。狂習也。鄧曼。楚武王夫人。賴人。賴國之人。仕於楚者。

宋多責賂於鄭。鄭不堪命。故以紀魯。及齊與宋衛燕戰。不書所戰。後也。

齊衛燕助宋。燕南燕也。兩敵將戰。必豫期戰地。公未見紀鄭。紀鄭已與齊宋先設戰期。公不及設期。唯及其戰。故言戰而不書所戰之地。言此地非公所期。故不書也。

鄭人來請脩好。去聲

經十有四年春正月公會鄭伯于曹。無冰。

無傳

夏五鄭伯使其弟語來盟 秋八月壬

申御廩切錦災乙亥嘗 冬十有二月丁巳

齊侯祿父卒無傳宋人以齊人蔡人衛人陳

人伐鄭

傳十四年春會于曹曹人致餼禮也

孰曰饗生曰餼

夏鄭子人來尋盟且脩曹之會焚渠門人

子人即弟語其後為子人氏經書夏五下無文蓋文闕失

秋八月壬申御廩災乙亥嘗書不害也

道光二年

武英殿刊刻

左傳讀本卷二

桓公

御廩公親耕所斂粢盛之廩天火曰災乙亥日嘗當以前三日致齋壬申即致齋日

災其屋不及穀故言不害

冬宋人以諸侯伐鄭報宋之戰也焚渠門入

及大逵伐東郊取牛首以大宮音泰宮之祿音歸

為盧門之祿

渠門鄭城門大逵城中道牛首鄭東郊邑在今陳留縣西十一里太宮鄭廟盧門宋

城門圓曰祿方曰楹毀人廟祿置之城門自旌其功

經十有五年春二月天王使家父音甫來求車

三月乙未天王崩無傳夏四月己巳葬齊

僖公傳無五月鄭伯突出奔蔡鄭世子忽復

歸于鄭許叔入于許公會齊侯于艾

邾人牟人葛人來朝傳無秋九月鄭伯突入

于櫟歷音冬十有一月公會宋公衛侯陳侯

于袤修音伐鄭

傳十五年春天王使家父音來求車非禮也

諸侯不貢車服天子不私求財

家氏父字言諸侯有常職貢上下俱不當廢禮

祭仲專鄭伯患之使其壻雍糾殺之將享諸

郊雍姬知之謂其母曰父與夫孰親其母曰

人盡夫也父一而已胡可比也遂告祭仲曰

雍氏舍其室而將享子於郊吾惑之以告祭

仲殺雍糾尸諸周氏之汪公載以出曰謀及

婦人宜其死也

夏厲公出奔蔡齊一曰公會宋公衛侯陳侯

六月乙亥昭公入

厲公篡立又失政刑與小臣比而賊殺非禮也昭公當立故春秋本莊公世子書之以正其名周氏鄭大夫汪池也雍糾杜預謂之小臣賈逵云鄭大夫公愍雍糾見殺

道光二年武英殿刊刻左傳讀本卷二 桓公 五

故載其尸以出。

許叔入于許。

終隱公十一年鄭莊之言。

公會齊侯于艾。謀定許也。

艾山。在今萊蕪。時邾人牟人葛人來朝魯邾。今鄒縣。牟今萊蕪。葛今寧陵。皆附庸國。

秋。鄭伯因櫟人殺檀伯而遂居櫟。

櫟。鄭別都。今許州地。檀伯。鄭守櫟大夫。

冬。會于袤。謀伐鄭。將納厲公也。弗克而還。

袤。宋地。在今宿州西。此魯宋衛陳會也。公羊經有齊侯。五國會。

道光二年武英殿刊刻

左傳讀本卷二

桓公

无

經十有六年春正月公會宋公蔡侯衛侯于

曹。夏四月公會宋公衛侯陳侯蔡侯伐鄭

秋七月公至自伐鄭。冬城向。十有一

月衛侯朔出奔齊。

傳十六年春正月會于曹。謀伐鄭也。

夏伐鄭。秋七月公至自伐鄭。以飲至之禮也。

冬城向。書時也。

向。地闕。此冬下有十一月事。則此為十月。而杜預以為亦俱是十一月。又以長麻推是年閏六月。冬節較早。故建戌之月。亦可書時。

初衛宣公烝於夷姜。生急子。屬音燭諸右公子。

為去聲之娶於齊而美。公取之。生壽及朔。屬壽

於左公子。夷姜縊。宣姜與公子朔構古豆切。急

子。公使諸齊。使盜待諸莘。將殺之。壽子告之。

使行。不可。曰。弃父之命。惡音烏用子矣。有無父

之國則可也。及行。飲去聲以酒。壽子載其旌以

先。盜殺之。急子至。曰。我之求也。此何罪。請殺

我乎。又殺之。二公子故怨惠公。十一月。左公

子洩右公子職立公子黔音琴牟。惠公奔齊。

道光二年 武英殿刊刻 左傳讀本卷二 桓公 三

夷姜。宣公庶母。上淫。曰烝。朔。惠公也。左右

公子。左右。勝之子。因以為號。蓋宣公兄弟。

宣姜欲立其子。故欲殺急子。莘。今莘縣。在

衛齊道上。史記云。公與太子白旄。而告盜

曰。見白旄者殺之。壽子知之。勸急子使出

奔。急子不從。壽子先往而死。是以人皆惡

朔。公子黔牟。亦宣公子。

經十有七年春正月丙辰公會齊侯紀侯盟

于黃。二月丙午公會邾儀父盟于雒翠軌切

夏五月丙午及齊師戰于奚。六月丁丑
蔡侯封人卒。齊秋八月蔡季自陳歸于蔡
癸巳葬蔡桓侯無傳。及宋人衛人伐邾。冬

十月朔日有食之

傳十七年春盟于黃平齊紀且謀衛故也

黃平齊地。今黃縣。齊欲滅紀。此為平之衛時出其君。

及邾儀父盟于趙尋蔑之盟也

趙魯地。當在今泗水鄒縣之間。蔑盟在隱元年。

夏及齊師戰于奚疆事也於是齊人侵魯疆

疆吏來告公曰疆場亦音之事慎守其一而備

其不虞姑盡所備焉事至而戰又何謁焉

奚魯地。今滕縣西南。春盟而夏來戰。又齊師速出魯西南。知是疆場小故。公戒疆吏

道光二十一年

左傳讀本卷二

桓公

三

盡備而已

蔡桓侯卒蔡人召蔡季于陳

桓侯無子故召弟而立之

秋蔡季自陳歸于蔡蔡人嘉之也

蔡人嘉之故以字書蔡季名獻舞為蔡哀侯

伐邾宋志也

邾宋爭強魯皆趙盟助宋

冬十月朔日有食之不書日官失之也天子

有日官諸侯有日御日官居卿以底日禮也

日御不失日。以授百官于朝。

凡合朔。日月交。則有日食。行度有大量。不能不小。有贏縮。故有交會不食者。古法不加推算。以食為災咎。不言月食日。但言日有食之者。謹慎之辭。其不言甲子者。官失之。不言朔者。或是官失。或食二日。或食晦。由其時合朔法疎。東漢始課日食疎密。春秋史官所不曉也。此不書日之甲子。亦是官失。日官曰御。典算之官。居卿者。服虔云。使卿居其官以主之。杜預云。不在六卿之數。而位從卿。底平也。謂平歷數。不失日。謂守天子所頒朔日。

初。鄭伯將以高渠彌為卿。昭公惡。

去聲下同。之固

諫不聽。昭公立。懼其殺已也。辛卯。弒昭公。而

道光二年
武英殿刊刻

左傳讀本卷二

桓公

三

立公子亶。

音尾

君子謂昭公知所惡矣。公子達

曰。高伯其為戮乎。復惡已甚矣。

惡去聲。下同。

高渠彌。迨事鄭莊公。鄭伯謂莊公也。子亶昭公弟。公子達。魯大夫。復重也。本為昭公所惡。而復弒君。重為惡也。或曰。復猶報也。

經十有八年春。王正月。公會齊侯于灤。

盧篤切。又

音洛公與夫人姜氏遂如齊。

夏四月。丙子。公

薨于齊。丁酉。公之喪。至自齊。

無傳

秋七月。

冬十有二月。己丑。葬我君桓公。

無傳

傳十八年春。公將有行。遂與姜氏如齊。申繻

曰。女有家。男有室。無相瀆也。謂之有禮。易此必敗。公會齊侯于灤。盧篤切。又音洛。遂及文姜如齊。齊侯通焉。公譎之。以告。

灤水。在今歷城西北。入小清河。夫人以公譎之告齊侯。

夏四月丙子。享公。使公子彭生乘公。公薨于車。魯人告于齊曰。寡君畏君之威。不敢寧居。來脩舊好。去聲。禮成而不反。無所歸咎。惡於諸侯。請以彭生除之。齊人殺彭生。

彭生。乘公。拉公脇。遂薨。魯言無所歸咎。則有恥辱之惡於諸侯。

道光二年

武英殿刊刻

左傳讀本卷二

桓公

秋。齊侯師于首止。子亶會之。高渠彌相。去聲。七月。戊戌。齊人殺子亶而輟。音患。高渠彌祭仲逆。

鄭子于陳而立之。是行也。祭仲知之。故稱疾

不往。人曰。祭仲以知去聲。免。仲曰。信也。

首止。衛地。今睢州東南。輟。車裂也。鄭子。莊公弟子儀。仲曰。信也。者。言知子亶不終。渠彌為戮。齊人來討。故不齊師。乃已本意。

周公欲弑莊王而立王子克。辛伯告王。遂與王殺周公黑肩。王子克奔燕。初。子儀有寵於

桓王。桓王屬音燭。諸周公。辛伯諫曰。竝后匹嫡。

兩政耦國。亂之本也。周公弗從。故及。

莊王。桓王太子克。莊王弟子儀。平伯。周大夫。妾如后。庶如嬭。臣擅命。都如國。皆亂本。當慎之。

道光二年
武英殿刊刻

左傳讀本卷二

桓公

書

欽定春秋左傳讀本卷二

[Faint bleed-through text from the reverse side of the page, including characters like '子', '日', '祭', '仲', '也', '祭', '仲', '也', '祭', '仲', '也']

